



UMHVERFISSTEFNA

APRÍL 2021

1. Umhverfisstefna Haga

Umhverfisstefna Haga og dótturfyrirtækja er sett fram með það að leiðarljósi að leggja áherslu á mikilvægi umhverfissjónarmiða í daglegri starfsemi félagsins. Meginmarkmiðið er að félagið leggi sitt af mörkum í þágu sjálfbærrar þróunar og samfélagslegrar ábyrgðar og styðji við mikilvægi þess að starfsfólk sé meðvitað um aðgerðir félagsins í þágu umhverfisins.

Hagar vilja nýta auðlindir landsins á sjálfbæran hátt í þágu atvinnulífsins, landsmanna og komandi kynslóða til efnahagslegs og félagslegs ábata og jafnframt stuðla að sjálfbærni auðlinda eins og hægt er.

2. Umfang

Umhverfisstefnan nær til allrar starfsemi Haga og dótturfélaga auk starfsfólks samstæðunnar. Stjórnendur og annað starfsfólk er hvatt til að kynna sér stefnuna, framfylgja henni í einu og öllu og leita leiða til umbóta í umhverfismálum félagsins. Með gerð þessarar stefnu skuldbindur félagið sig til að fylgja og leiða þá vinnu sem felst í því að lágmarka neikvæð áhrif starfseminnar á nærumhverfi þess. Stöðugt ber að fylgja eftir stefnumótun og stjórnun umhverfismála í ljósi nýrra laga og reglna, starfshátta þeirra atvinnugreina sem félagið starfar í, tækniþróunar, þarfa neytenda og væntinga viðskiptavina.

Umhverfisvernd er höfð að leiðarljósi í starfsemi félagsins. Tekið er mið af umhverfisvernd hvað varðar meðferð á söluvörum, förgun úrgangsefna, flokkun og endurnýtingu umbúða, vöruþróun, byggingu mannvirkja og val á rekstrarvörum. Einnig er leitast við að gæta hagkvæmi í notkun auðlinda og að lágmarka sóun á öllum sviðum.

3. Vatns-, orku- og endurvinnslustefna

Sérstaklega er hugað að aðgerðum hvað varðar vatn, orku og endurvinnslu í allri starfsemi Haga, hvort sem er á skrifstofum, í verslunum, á starfsstöðvum og í framkvæmdum á vegum félagsins. Hagar og dótturfyrirtæki hafa flokkað sorp frá skrifstofu í lengri tíma. Þar sem verið er að endurnýja tækni- og tækjabúnað er almennt leitast við að nota umhverfisvænar og orkusparandi lausnir. Til að mynda hefur LED lýsingu verið komið upp í flestum verslunum, kælimiðlum skipt úr freoni í íslenskt og vistvænt koldíoxíð og kælum lokað þar sem kostur er. Almennt hefur verið leitast við að verslanir Haga séu eins umhverfisvænar, vistvænar og orkusparandi og hægt er og verður unnið harðar að því markmiði á næstunni.

4. Markmið

- Efla og viðhalda umhverfisvitund starfsfólks sem starfar innan félagsins og hvetja og þjálfa starfsfólk til að sinna störfum sínum með tilliti til umhverfisverndar.
- Aðlaga stjórnarhætti félagsins með aukna umhverfisvitund að leiðarljósi.
- Lágmarka sóun í rekstrinum.
- Halda orkunotkun í lágmarki og leitast við að draga úr mengun og útblæstri eins og kostur er.

- Taka mið af umhverfissjónarmiðum við innkaup félagsins þar sem hægt er.
- Leitast við að þróa umhverfisvænar lausnir fyrir viðskiptavinum og sömuleiðis bjóða þeim upp á umhverfisvænni kosti.
- Leitast við að efla umhverfisvitund viðskiptavina, hvetja til endurvinnslu og kaupa á umhverfisvænni valkostum.
- Vekja athygli þjónustuaðila, verktaka og annarra hagaðila á grundvallaratriðum umhverfisstefnu félagsins þar sem við á og hvetja til úrbóta á starfsháttum þeirra í samræmi við stefnu félagsins.
- Endurmeta árangur umhverfisstefnunnar með reglulegu millibili og koma á umbótum þar sem það á við.

5. Leiðir að markmiðum

Hagar og dótturfélög notast við umhverfisstjórnunarkerfi frá Klöppum Grænum lausnum hf. og er markmiðið að ná mælanlegum árangri í umhverfismálum og málum tengdum sjálfbærni. Kerfið gerir félaginu kleift að vakta og fylgjast með t.d. eldsneytisnotkun, útprentun, magn af úrgangi, endurvinnslu, rafmagns- og vatnsnotkun og fleira sem skráð er á félagið og dótturfélög þess. Unnið er að því að koma upp þeim búnaði og tækjum sem þarf til að auðvelda álestur innan fasteigna Haga.

Sett hefur verið á laggirnar umhverfisráð Haga sem í er a.m.k. einn aðili úr hverju dótturfélagi og er viðkomandi ábyrgur fyrir innleiðingu stefnunnar innan síns fyrirtækis. Sömuleiðis eru aðilar úr móðurfélagi í ráðinu og skulu aðilar funda með reglulegu millibili. Hlutverk umhverfisráðsins er að stuðla að fræðslu fyrir starfsfólk með það að markmiði að efla umhverfisvitund innan starfseininga. Einnig að samræma aðgerðir innan dótturfélaga eins og kostur er. Umhverfisráðinu er einnig ætlað að gera aðgerðaáætlun hvað varðar umhverfismál og gildir áætlunin til tveggja ára í senn. Í þeirri áætlun skal m.a. útlista leiðir að markmiðum og þær aðgerðir sem fara þarf í til að ná settum markmiðum.

6. Eftirfylgni og endurskoðun

Forstjóri er ábyrgur fyrir framkvæmd umhverfisstefnunnar en umhverfisráð er ábyrgt fyrir eftirfylgni hennar og þeim aðgerðum sem fara þarf í til að ná settum markmiðum. Umhverfisstefna félagsins er sett til tveggja ára í senn og skal yfirfarin og endurmetin að þeim tíma liðnum. Umhverfisráði er einnig ætlað að gera grein fyrir stöðu umhverfismála innan félagsins með skýrslu til forstjóra.

Þannig samþykkt 15. apríl 2021

Stjórn Haga hf.